




КОМСОМОЛОНЬ ВАЙГ'ЯЛЪ

ВЛКСМ-нь МОРДОВСКИЙ ОБКОМЪ И САРАНСКИЙНЪ ГОРНОМЪ ГАЗЕТАСНА

ИЮЛЬ
5-це шистонза
1941 кизоня
75(1871)
Питнец 10 тр.

ОБОРОНАНЬ ГОСУДАРСТВЕННАЙ КОМИТЕТЪ ПРЕДСЕДАТЕЛЕНЦ И. В. СТАЛИНЪ РАДИО ВЕЛЬДЕ ВЫСТУПЛЕНИЯЦ

1941 кизонь 3-це июльста



Ялгат! Граждат! Братят и сестрат! Минь армияньконь и флотоньконь боецна! Тейнтъ корхтан мон, монь друзьяне!

Минь родинаньконь лангс гитлеровский Германиять вероломной военной нападенияц, кона ушетф 22-це июньца, — стаки моли. Аф ваномок Краснай Армиять героический сопротивленияц лангс, аф ваномок сян лангс, што врагъ сембода цебарь дивизиянза и сонь авиациянц сембода цебарь частенза тапафт ни и мусть эстейст калма сражениянц паксятнень лангса, врагъ стаки яци инголи, ёрямок фронтти од вийхть. Гитлеровский войскактенди удалась фатямс Литвась, Латвиять оцю паяльсоц, Белоруссиять западнай паяльсоц, часть Западной Украинать эзда. Фашистский авиациясь касфнесыне эсь бомбардировщиконзон действиян районцон, бомбардировандакшнемом Мурманскийть, Оршати, Могилевть, Смоленскийть, Киевть, Одессать, Севастопольть. Минь Родинаньконь вельксс тиевсь серьезнай опасность.

Кода мог лисемс, што минь славнай Краснай Армияньке максозень фашистский войскактенди минь лама ошеньконь и районьконь? Неужели немецко-фашистский войскактне афкукс ашихть непобедимай войскакс, кода тян колга апак лотксек трубайхть фашистский хвастливый пропагандистне?

Конешна, аф! Историясь няфнесы, што непобедимай армият аш и ашельхть. Наполеонь армиянц лувондозь непобедимайкс, но сонь попеременно тапазь русский, английский, немецкий войскактне. Васенце империалистический войнаць пингста Вильгельмань немецкий армиянц стане жа лувондозь непобедимай армиякс, но сонь несколькоксть кирдсь поражение руский и англо-французский войскактенди эзда и меколи тапазь англо-французский войскактне. Тяка жа эряви азомс Гитлеронь тяниень пингонь немецко-фашистский армиянц колга. Тя армиясь нинге ашезь васьфне серьезнай сопротивления Европаты континентса. Аньцек минь территориясонк сон васьфтсь серьезнай сопротивления. И кда тя сопротивления вельде немецко-фашистский армиять сембода цебарь дивизиянзон тапазень минь Краснай Армияньке, то тя значит, што гитлеровский фашистский армиясь стане жа может улемс тапаф и ули тапаф, кода ульсть тапафт Наполеонь и Вильгельмань армиясна.

Кда корхтамс сян колга, што минь территорияньконь паяльсонц сембе сьака фатязь немецко-фашистский войскактне, то тя сембода паяк азондови сян мархта, што СССР-ть каршес фашистский Германиять войнац ушедсь выгоднай условия немецкий войскактенди и аф выгоднайса советский войскактенди. Тевсь сян эса, што Германиять, кода войнаць мольфти странань, войскактне ульсть ни марнек отмобилизованнайхть, и 170 дивизиясь, конатнень Германиясь ёрдазень СССР-ть каршес и ладязень СССР-ть границанзон малас, ашесть полнай готовностень состоянияс, учеок аньцек сигнал выступлениянди, эста кода советский войскактенди эривсь нинге отмобилизовандавомс и маладомс границатнени. Аф ёмлазь значенияц тьса и ся обстоятельство, што фашистский Германиясь апак учсек вероломна нарушандазе ненападениян колга пактть, кона тифоль 1939 кизоня сонь и СССР-ть ёткас, аф лувомок сян, што марнек мирсь сонь кармай лувомонза нападающей ширекс. Шарьхкодеви, што минь миролюбивай странаньке, аф ёрамок сьавомс эсь лангзонза инициативать пактть нарушандамаса, не мог арамс вероломствань кити.

Могут кизефтемс: кода мог лисемс, што Советский правительствась тусь ненападениян колга пактонь тиемати тяфтама вероломной ломаттнень и изверкнень мархта, кода Гитлер и Риббентроп? Ашель ли нолдаф тьса эльбияткс Советский правительствать ширде? Конешна, аш! Ненападениян колга пактсь ащи кафта государстватнень ёткас миронь колга пактокс. Именно тяфтама пактонь тиема предложил тейнек Германиясь 1939 кизоня. Мог ли Советский правительствась отказамс тяфтама предложения эзда? Мон думандан, што фкявок миролюбивай государства не может отказамс соседней державать мархта мирнай соглашенияда, кда тя державать эса во главе ашихть нльне тяфтама изверкт и людоетт, кода Гитлер и Риббентроп. И тя конешна фкя неперемный условиян пингста—кда мирнай соглашениясь аф токсесс аф видеста, аф косвенна территориальной целостностенц, независимостенц и честенц миролюбивай государствать. Кода содаф, Германиять и СССР-ть ёткас ненападениян колга пактсь ащи именно тяфтама пактокс.

Мезе выиграли минь, тиемок Германиять мархта ненападениян колга пакт? Минь обеспечиндаме эсь странаньконди мир кизонь и паяль пингс и возможность эсь вийньконь анокламс отпоронди, кда фашистский Германиясь рисковандал ба минь странаньконь лангс нападениян тиема аф ваномок пактть лангс. Тя определенной выигрыш тейнек и проигрыш фашистский Германияти.

Мезе выиграл и мезе проиграл фашистский Германиясь, вероломна сязеок пактть и тиемок нападения СССР-ть лангс? Сон тян мархта сатсь кой-кодама выигрышнай положения эсь войскактонди нюрхкяня пингонь ётамс, но сон проиграл политически, разоблачадамок эсь пряц марнек мирть сельминголе, кода кровавай агрессор. Не может улемс сомнения, што тя аф кувака пингонь военной выигрышсь Германияти ащи аньцек эпизодкс, а паяк оцю политический выигрышсь СССР-ти ащи серьезнай и кувака пингонь факторкс, конань вельде должетт вишжомомс Краснай Армиять решительнай военной успехонза фашистский Германиять каршес войнаць эса.

Вов мес марнек минь доблестнай Армияньке, марнек минь доблестнай Военно-Морской Флотоньке, сембе минь летчиконьке-соколоньке, минь странаньконь сембе народонза, Европань, Американь и Азиянь сембе инь цебарь ломаттне, наконец, Германиять сембе инь цебарь ломаненза—клемят германский фашисттнень вероломной действиясон и сочувственна относятся Советский правительствати, шнакшнесазь Советский правительствать поведениянц и нийсазь, што видесь минь ширесонк, што врагъ ули тапаф, што минь должеттама сьаскомс.

Сяс мес тейнек навязали война, минь странаньке кярмодсь смертельный схваткати эсь злейшай коварнай врагонц—германский фашизмать каршес.

(Полатксон 2-це страницаса).

ОБОРОНА ГОСУДАРСТВЕННОГО КОМИТЕТА ПРЕДСЕДАТЕЛЕЦ И. В. СТАЛИНЪ РАДИО ВЕЛДЕ ВЫСТУПЛЕНИЯ

1941 КИЗОНЪ 3-це ИЮЛЬСТА

Минь войсканке героически тюрхть врагъ каршес, ко-на пильгта пряс вооружандаф танкаса и авиацияса. Краснай Армиясь и Краснай Флотсь, сяскондемок пяк лама трудност-нень, самоотверженна тюрхть советский эрь мода пакшкять инкса. Бойс сувсхть Краснай Армиять главнай вийнза, ко-нат вооружандафт тѣжятть танкаса и самолета. Краснай Ар-миять воионзон храбростьна—беспримернай. Врагги минь отпороньке кемакстай и касы. Краснай Армиять мархта мар-са Родинать араламонза кепси марнек советский народсь.

Мезе эряви сянь инкса, штоба машфтомс опасностть, ко-на тиевсь минь Родинаньконь велькс, и кодама мерат эря-вихть примамс сянь инкса, штоба тапамс врагъ?

Васендакиге эряви, штоба минь ломаненьке, советский ломатне шарьхкоделезь опасностть марнек глубинанц, кона гразий минь странаньконди, и отказальхть благодушить эз-да, беспечностть эзда, мирнай строительствань настроения-нень эзда, конат пяк шарьхкодевихть войнада ингольденъ пингть, но пагубнайхть таниень пингть, мзярда войнась ко-рянкек полафтозе положенийть. Врагъ жестокай и неумоли-май. Сон путнесы эстейнза целькс фатямс минь моданьконь, конат валфт минь ливозьсонк, фатямс минь кшиньконь и минь нефтаньконь, конат добувафт минь трудсонк. Сон пут-несы эстейнза целькс помещиконь властть восстановлениянц, царизмать восстановлениянц, русскыхнень, украинецнень, белорусснень, литовецнень, латышнень, эстонецнень, узбек-нень, татархнень, молдаваттнень, грузиттнень, армяттнень, азербайджанецнень и Советский Союзонь лия свободнай на-роттнень национальной культураснон и национальной госу-дарственностьснон тапаманц, синь немецокс тиёмаснон, синь немецкай княсенди и бароттнени рабокс шарфтомаснон. Тяфта, тевсь моли Советский государствать эряфонц и смер-тенц колга, СССР-нь нароттнень эряфснон и смертснон колга, сянь колга—улемс Советский Союзонь нароттнени свободнайкс, или повомс порабоценияти. Эряви, штоба со-ветский ломатне шарьхкоделезь тянь и лоткальхть улемда беззаботнайкс, штоба синь мобилизовандалезь эсь пряснон и одукс ладялезь марнек эсь работаснон од, военной ладс, кона аф содай пощада врагги.

Эряви сяда тов, штоба минь родинаньконь эса афоль уль-васта нытикнени и труснени, паникерхнени и дезертирх-нени, штоба минь ломаненьке афольхть сода страх тюре-маса и самоотверженна молельхть инь отечественнай осво-бодительнай войнаньконди фашистский поработительхнень каршес. Великай Ленинц, кона тиезе минь Государствань-конь, корхнесь, што советский ломаттнени основной каче-ствакс должен улемс храбрость, отвагась, тюремаса стра-хонь аф содамась, готовность тюремс марса народть мархта минь родинаньконь врагонзон каршес. Эряви, штоба боль-шевиконь тя пяк цебарь качествась араль достояниякс мил-лиоттнени и миллиоттнени Краснай Армияса, минь Краснай Флотсонк и Советский Союзонь сембе нароттнени.

Минь должеттама таникиге ладямс сембе эсь работань-конь военной ладс, сембонь подчининдамок фронтть интере-сонзонды и врагъ тапаманц организовандамаса задачатнени. Советский Союзонь нароттне нийсаязъ тани, што германский фашизмась неукротимай эсь паякс кяжсонза и ненавистьсон-за минь Родинаньконди, кона обеспечиндась сембе трудящай-хнени свободнай труд и благосостояния. Советский Сою-зонь нароттне должетт кеподемс эсь праваснон, эсь модаснон аралама врагъ каршес.

Краснай Армиясь, Краснай Флотсь и Советский Союзонь сембе граждатне должетт аралакшнемс советский модать эрь пакшканц, тюремс веронь мекольденъ капляньбес минь ошеньконь и веленьконь инкса, няфнемс смелость, инициа-тива и сметка, конат свойственнайхть минь народоньконди.

Минь должеттама организовандамс сембе ширденъ лезкс Краснай Армияти, обеспечиндамс сонь рядонзон вииста паш-кодемаснон, обеспечиндамс сембе эрявиксса сонь снабжанда-манц, организовандамс войска и военной груз мархта транс-порттнень вишкста пачфнемаснон, оцю лезкс раненайхнени.

Минь должеттама кемакстамс Краснай Армиять тылонц, подчиняндамс тя тевть интересонзонды марнек эсь работань-конь, обеспечиндамс сембе предприятиянень усиленной рабо-таснон, нолямс сяда лама винтовка, пулемет, орудия, патрон, снаряд, самолет, организовандамс заводтнень, электростанци-ятнень, телефоннай и телеграфнай связть ваномаснон, ладямс местнай противовоздушной оборонать.

Минь должеттама организовандамс пощадафтома тюрема тылонь всякай дезорганизаторхнень, дезертирхнень, паникерх-нень, кулян ноляйхнень каршес, машфнемс шпионтнень, ди-версанттнень, вражескай парашютисттнень, макссемок сембонь

тянь эса куроконь лезкс минь истребительнай батальононь-конди. Эряви кирдемс мяльса, што врагъ коварнай, хитрай, опытной васькафнемаса и ложнай кулян нолямаса. Эряви учитывать тянь сембонь и аф кулхцонкшнемс провокация-нень. Эряви инь куроконь пингть макссемс Военнай Трибу-налонь судти сембонь сятнень, кит эсь паникерстваснон и трусостьснон мархта шоряйхть оборонань тевти, аф ваномок кинге лангс.

Краснай Армиять частензон вынужденнай потамаснон пинг-ста эряви сявондемс сембе подвижной железнодорожной сос-тавсь, аф кадондомс врагги фкявок паровоз, фкявок вагон, аф кадондомс противникти фкявок килограмма кши, фкявок лит-ра горячай. Колхозникне должетт сявондемс сембе жуватас-нон, сёроть макссемс ванфтомс государственнай оргаттнени, штоба усксемс сонь тыловой райоттнени. Сембе ценнай иму-ществась, сяка лувксса цветной металлне, сёрось и горя-чайсь, кона не может улемс сывф, должен безусловна маш-фневомс.

Врагъ мархта заняф райоттнень эса эрявихть тиендемс партизанский отрядт, коннайхть и пешайхть, тиендемс дивер-сионнай группат вражескай армиять частензон каршес тюре-мать инкса, сембе вастова партизанский войнань вишкшпне-мать инкса, сеттнень, китнень сязендема, телефоннай и телег-рафнай связть колсема, вирьхнень, склаттнень, обоснень кровяснема. Фатяф райоттнень эса тиендемс аф кирдемшка стака условият врагги и сембе сонь пособниконзонды, прес-ледовать и машфнемс синь эрь аськолксса, сязендемс сембе синь мероприятияснон.

Фашистский Германиять каршес войнать аш кода лувомс обычнайкс. Сон ащи аф аныцек войнакс кафта армиятнень ётка. Сон ащи сяка пингть великай войнакс сембе совет-ский народти немецко-фашистский войскатнень каршес. Фа-шистский угнетательхнень каршес тя всенароднай отечествен-най войнати целькс ащи аф аныцек машфтомс опасностть, кона тиевсь минь странаньконь велькс, но и лездомс Евро-пань сембе нароттнени, конат муцкшневихть германский фашизмать иганц ала. Тя освободительнай войнаса минь аф ульхтыа одинокайхть. Тя великай войнать эса минь кармайхть улема вернай союзниконьке Европань и Американь нарот-тнень эса, сяка лувксса германский народть эса, конань по-работили гитлеровский заправилатне. Эсь отечестваньконь свободанц инкса минь войнаньке шовори Европань и Амери-кань нароттнень тюремаснон мархта синь независимостьснон инкса, демократическай свободатнень инкса. Тя ули единая фронт нароттнени, конат ащихть свободать инкса Гитле-ронь фашистский армиянзон ширде порабоцениять и порабо-цениянь угрожать каршес. Тянь коряс Великобританиянь премь-ерть Черчилль г-нтъ историческай выступления Советский Союзи лезксть колга и США-нь правительствать деклара-цияц минь странаньконди лезксонь максомань готовностть колга, конат могут тиёмс аныцек благодарностень чувства Советский Союзонь нароттнень седисост,—ащихть пяк шарьхкодевикс и показательнайкс.

Ялгат! Минь вийньке неисчислимайхть. Зазнавшай врагъс должен ули курок тевса няемс тянь. Марса Краснай Ар-миять мархта кепсхть лама тѣжятть рабочайхть, колхозникт, интеллигенция нападениянь тии врагъ каршес войнати. Ке-подихть минь народоньконь миллионнай массанза. Московонь и Ленинградонь трудящайхне ушедсть ни пуропнема лама тѣжяненъ народнай ополчения Краснай Армияти лездома. Кажнай ошса, конанди гразий врагъ нашествиянь опасностец, минь должеттама тиёмс тяфтама народнай ополчения, кепо-демс тюрема сембе трудящайхнень, штоба эсь мяштсьост аралакшнемс эсь свободаснон, эсь честьснон, эсь родинас-нон—германский фашизмать каршес минь отечественнай вой-наньконь эса.

Штоба сяда курок мобилизовандамс СССР-нь нароттнень сембе вийснон, штоба максомс отпор врагги, кона веролом-на тись нападения минь Родинаньконь лангс,—созданай Обо-ронань Государственной Комитет, конань кядьса тани ащи государстваса марнек властсь. Оборонань Государственной Комитетсь ушедозе эсь работанц и тернесы сембе народть пуромомс Ленинонь—Сталинонь партияснон перьф, Совет-ский правительствать перьф Краснай Армияти и Краснай Флотти самоотверженной поддержкат инкса, врагъ тапа-манц инкса, победать инкса.

Сембе минь вийньконь—минь героическай Краснай Ар-мияньконди, минь славнай Краснай Флотоньконди лездома! Народть сембе вийнзон—врагъ тапаманцты! 27
Инголи, минь победаньконь инкса!

Врид. ответредакторсь И. БЕЛОВ.